

**«Քայլ առ քայլ» բարեգործական հիմնադրամ**

**«Նախադպրոցական հաստատության մանկավարժական  
աշխատողների մասնագիտական կարողությունների և  
հմտությունների զարգացման» ծրագիր**

## **ՀԵՏԱԶՈՏԱԿԱՆ ԱՇԽԱՏԱՆՔ**

**Թեմա՝** Մանկավարժական աշխատողի համագործակցությունը  
սաների ծնողների հետ՝ սաների կրթական  
աշխատանքների կազմակերպման և ընտանեկան  
դաստիարակության հարցում

Դաստիարակ՝ Հասմիկ Սարգսյան

«Շնորհի՜ Հեքիաթ» մանկապարտեզ՝ ՀՈԱԿ

2023թ.

Բովանդակություն

Ներածություն _____	3
Ընտանեկան դաստիարակության առանձնահատկությունները _____	4-5
Նախադպրոցականի դաստիարակության նպատակը և խնդիրները _____	5-10
Ընտանիքի դերը երեխայի զարգացման հարցում _____	11-12
Ընտանքի և մանկապարտեզի համագործակցության ձևերը _____	12-14
Համագործակցությունը ընտանիքի հետ _____	15-17
Գործնական մաս _____	18
Եզրակացություն _____	19
Գրականության ցանկ _____	20

## Ներածություն

Ժամանակակից մանկապարտեզի և ընտանիքի փոխհարաբերության հիմքում ընկած է համագործակցությունը: Մանկավարժները պետք է ստեղծեն ներդնակ ամուր կապ՝ ի շահ երեխայի դաստիարակության: Կարևոր է ,որ ծնողները հավասար ընկալեն մանկավարժ-երեխա փոխհարաբերությունը, զգան դաստիարակի մասնագիտական հմտության արժեքը, գնահատեն նրա անձնային հատկանիշները և մասնակցեն մանկապարտեզում իրականացվող կրթության, դաստիարակության և զարգացման գործընթացին:

Համագործակցության արդյունքում թե՛ ծնողը և թե՛ դաստիարակը արժեքավոր տեղեկություններ են ստանում երեխայի կարողությունների, հետաքրքրությունների, համկրանքների, հակակրանքների մասին: Այս

տեղեկատվությունը պետք է այնպես փոխանակել որ այն լավագույնս ծառայի երեխայի շահերին: Ընտանիքի և մանկապարտեզի համգործակցության կենտրոնում երեխան է: Սակայն համագործակցությունն ինքնին չի կարող հաջողակ երեխաներ ունենալու նախապայման դառնալ: Անհրաժեշտ է մշակել այնպիսի ձևեր, որ երեխան ինքնուրույն կարողանա հասնել հաջողության:

Մերաշխատանքի նպատակն է ներկայացնել մանկապարտեզ-ընտանիք կապի առանձնահատկությունները և առավելությունները երեխայի դաստիարակության հարցում:

### 3

#### **Ընտանեկան դաստիարակության առանձնահատկությունները**

Ընտանիքը հասարակության առաջին սոցիալական օղակն է, ուր դրվում են երեխայի անձնավորության հիմքերը և կառուցվում է նրա սոցիալական կերպարը:

«Ընտանիքը երեխայի մթնոլորտն է, նրա մեջ աճում և զարգանում են երեխայի մտավոր ուժերը, նրա հոգեկան գործությունները և բարոյական հատկությունները, բոլորն այն չափով նպաստում է դրան գերդաստանի կրթողական ազդեցությունը և այն ձևով, ինչ կերպարանք է տալիս նրան դաստիարակող ոգին» (Բաֆֆի): Յ. Ա. Կոմենսկին նշում էր, որ «մայրիկի դասերը չունեն դասամիջոցներ, հանգստյան օրեր, արձակուրդ» :

Վերջապես «Երեխան ընտանիքի հայելին է» սահմանում դարձած արտահայտությունը լիովին նկարագրում է և կարևորում ընտանիքի

անփոխարինելի դերը երեխայի զարգացման և նրա անձնավորության ձևավորման գործում: Հոգեբան Ա. Ն. Լեոնտևը նշում է, որ «նախադպրոցական տարիքի երեխան չափազանց զգայուն է իրեն մշտապես շրջապատող հարազատ և մտերիմ մարդկանց հանդեպ, ընկալում և ընդունում է միայն նրանց դաստիարակչական ներգործությունը և դժվարությամբ է համակերպվում օտարների ներկայության հետ»:

Ընտանիքը ապահովում է երեխայի հետագա երջանիկ կյանքի համար անհրաժեշտ պայմաններ և ձևավորում որոշակի կենսակերպ:

Ընտանեկան դաստիարակությամբ է մեծ չափով պայմանավորված երեխայի հետագա գոյության և կենսագործունեության ներդաշնակությունը:

Ընտանեկան դաստիարակության գործընթացն արդյունավետ է երբ կազմակերպվում է ոչ թե կամայական եղանակներով այլ մտածված և հետևողական մանկավարժական աշխատանքի միջոցով:

Ընտանեկան դաստիարակությունը մանկավարժական համակարգ է՝ ուղղված կրթադաստիարակչական խնդիրների իրականացմանը

#### 4

ընտանիքի բոլոր անդամների համատեղ մանկավարժական ջանքերի շնորհիվ: Ճիշտ է յուրաքանչյուր ընտանիք ունի դաստիարակության իր սկզբունքներն ու մոտեցումները, սակայն դրանք պետք է պարբերաբար վերանայվեն, ճշտվեն և համապատասխանեցվեն ընտանեկան դաստիարակության մանկավարժորեն ընդունելի պահանջներին:

Ժամանակակից մանկավարժությունը դաստիարակության համակարգում առավել կարևորում է ընտանեկան դաստիարակությունը, ընդունում է դրա գերակայությունը, համարելով ընտանիքը բազմաբնույթ սոցիալական խումբ, հիմնվելով ընտանիքի դաստիարակչական լայն հնարավորությունների վրա:

Ընտանեկան դաստիարակության դժվարությունների հաղթահարմանը նպաստում է ընտանիքի սերտ համագործակցությունը նախադպրոցական կրթական հաստատությունների հետ:

## **Նախադպրոցականի դաստիարակության նպատակը և խնդիրները**

Դաստիարակության նպատակի հարցը հուզել է բոլոր ժամանակների մանկավարժներին, քանի որ նպատակն է որոշում և թելադրում մանկավարժական գործունեության բնույթն ու եղանակները :

Դաստիարակության ժամանակակից տեսությունն առավելապես կարևորում է դաստիարակության գործընթացի նպատակադրումն ուղղված կոնկրետ վերջնարդյունքի ստացմանը: Դաստիարակության նպատակն ու արդյունքը սերտ կապված են: Դաստիարակության նպատակը մանկավարժական գործունեության կազմակերպմամբ ակնկալվող արդյունքի արձանագրումն է:

Նախադպրոցական տարիքում դաստիարակության նպատակը

5

հուզականորեն կայացած, աշխարհին դրական վերաբերվող, ինքնուրույն և ստեղծագործաբար մտածող երեխայի ձևավորումն է:

Դաստիարակության հիմնական խնդիրներն են.

- Ֆիզիկական դաստիարակությունը
- Բարոյական դաստիարակությունը
- աշխատանքային դաստիարակություն
- գեղագիտա-գեղարվեստական դաստիարակությունը
- մտավոր դաստիարակություն

Ֆիզիկական դաստիարակություն

Նախադպրոցահասակ երեխայի ընդհանուր զարգացման գործընթացն առաջին հերթին պայմնավորված է նրա ֆիզիկական զարգացման աստիճանով: Միայն ֆիզիկապես առողջ և առույգ երեխայի հոգեկանն է ենթակա լիարժեք զարգացման: Ֆիզիկական զարգացման լավագույն միջոցը ֆիզիկական դաստիարակությունն է, որի անհրաժեշտությունն առավել կարևորվում է նախադպրոցական տարիքում:

Ֆիզիկական դաստիարակության կարգախոսը Ժ. Ժ. Ռուսոյի «Առողջ մարմնում՝ առողջ հոգի» հանրահայտ ձևակերպումն է:

Նախադպրոցականի ֆիզիկական զարգացման ընթացքը մեծապես կախված է նրան խնամող մեծահասակներից: Երեխայի ֆիզիկական զարգացմանը կարել է նպաստել հատուկ նախատեսված, նպատակասլաց և հետևողական մանկավարժական գործընթացի կազմակերպման միջոցով:

Ֆիզիկական դաստիարակությունը ֆիզիկական և սպորտային գործունեության հիման վրա կառուցվող հատուկ կազմակերպված և նպատակաուղղված մանկավարժական գործընթաց է, որի նպատակը երեխայի ֆիզիկական զարգացումն է:

## 6

Վերջին տարիներին մանկավարժական գիտությունների համկարգում բուռն զարգացում է ապրում «վալեոլոգիան», որը գիտություն է առողջ մարդու մասին: Գիտության հիմքում ընկած է սեփական մարմինը ճանաչելու սկզբունքը, ինչպես և անձի շահագրգռվածությունը նրա ակտիվ դիրքորոշումը առողջության պահպանման գործում: Այս դիրքորոշումը արդյունավետ է նախադպրոցական տարիքում երբ երեխային սովորեցնելով սիրել սեփական մարմինն ու հոգատարությամբ վերաբերվել նրան կարելի է նպաստել որոշակի դրական սովորությունների և կենսակերպի ձեռքբերմանը:

Փիլիսոփա Է. Ֆրոմը գտնում է որ ինքնասիրության և արժանապատվության զգացողությունները ծնվում են սեփական գոյի հանդեպ սիրո և հարգանքի անհրաժեշտությունից:

Ֆիզիկական դաստիարակության խնդիրները պետք է իրականացվեն բարոյական դաստիարակության խնդիրների հետ մեկտեղ:

### Բարոյական դաստիարակություն

Բարոյականությունը հասարակական գիտակցության ձև է, որը փոխանցվում և գնահատվում է հասարակության կողմից: Բարոյական դաստիարակությունը երեխայի համամարդկային և սոցիալական արժեքներին հաղորդակից դարձնելու նպատակաուղղված գործընթաց է: Այն կազմակերպվում և ղեկավարվում է մեծահասակների կողմից:

Բարոյական գիտակցության հետ մեկտեղ բարոյական դաստիարակության ընթացքում ձևավորվում են անձնային կարևորագույն հատկություններ, որոնք դաստիարակվում են բարոյական գիտակցությունից անկախ:

Այդպիսի հատկություններից են, օրինակ՝ բարությունը, մարդասիրությունը, աշխատասիրությունը, ընկերասիրությունը, հայրենասիրությունը, մաքրասիրությունը:

### 7

Բարոյական դաստիարակության մանկավարժական պայմանները բխում են երեխաների պահանջներից, որոնք հիմնականում պայմանավորված են նրանց փոխհարաբերությունների նպատակաուղղվածությամբ և

բնույթով: Երեխաների փոխհարաբերությունները ձևավորվում և դրսևորվում են հասակակիցների միջավայրում՝ մանկական կոլեկտիվում:

Կոլեկտիվում երեխաների փոխհարաբերությունները կարգավորվում են նաև բարոյական նորմերով և կանոններով: Բարոյական նորմերի և կանոնների իմացությունը օգնում է երեխային ինքնահաստատվելու հասակակիցների միջավայրում:



Բարոյական դաստիարակության հետ մեկտեղ նախադպրոցականի հետ մեկտեղ նախադպրոցականի անձնավորության զարգացմանը նպաստում է աշխատանքային դաստիարակությունը:

### Աշխատանքային դաստիարակություն

Աշխատանքն իբրև մարդկային կարևորագույն գործունեություն ձևավորվում է նախադպրոցական տարիքում:

Աշխատանքի միջոցով երեխան մտերմանում է մեծահասակների հետ ճանաչում է սեփական հնարավորությունները, համագործակցում մեծահասակների հետ, սովորում պլանավորել և վերահսկել սեփական գործողությունները, ձեռք է բերում կյանքի հմտություններ:

Երեխայի աշխատանքն ուղղված է ինքնահաստատմանը և ինքնաիրացմանը:

Աշխատանքային դաստիարակության համակարգի գլխավոր տարրն աշխատանքային գործունեությունն է, որի ձևավորմանն է ուղղված աշխատանքային դաստիարակության համակարգը:

Աշխատանքային գործունեության կարևորագույն բաղադրիչներն են աշխատանքի նպատակն ու արդյունքը: Աշխատանքային գործունեության

### 8

նպատակն արտացոլում է աշխատանքի արդյունքին հասնելու ուղին: Նպատակը բխում է ակնկալվող արդյունքից և ուղղված է դրան: Աշխատանքի նպատակադրումը բավական բարդ կարողություն է և ձեռք է բերվում նախադպրոցական տարիքում աստիճանաբար:

Աշխատանքային դաստիարակությունը մանկավարժական գործընթաց է՝ ուղղված աշխատանքի հանդեպ գիտակցված վերաբերմունքի, աշխատանքի արդյունքը գնահատելու կարողության և աշխատելու պահանջմունքի ձևավորմանը նախադպրոցականի աշխատանքային դաստիարակության գործընթացն ուղղված է երեխայի անձնային

հատկությունների ձևվորմանը՝ նրա կողմից ծավալվող աշխատանքային գործունեության ընթացքում:

Աշխատանքի կամակերպման ամենաարդյունավետ ձևը նախադպրոցական տարիքում երեխաների կոլեկտիվ (համատեղ) աշխատանքն է :

Երեխայի ներդաշնակ զարգացմանը նպաստում են նաև գեղագիտական և էկոլոգիական դաստիարակության գործընթացները, որոնք լրացնում են դաստիարակության մյուս կողմերը և միասնաբար ձևավորում երեխայի ամբողջական պատկերը աշխարհի մասին:

### Գեղագիտա-գեղարվեստական դաստիարակություն

Գեղագիտական դաստիարակությունը հատուկ կազմակերպված մանկավարժական գործընթաց է՝ ուղղված ստեղծագործելու ընդունակ անձնավորության ձևավորմանը: Ստեղծագործող անձնավորությանը բնորոշ է կյանքի ակտիվ դիրքորոշում, գեղեցիկն ընկալելու, զգալու և գնահատելու ընդունակություն, ինչպես նաև գեղեցիկի գաղափարով առաջնորդվելու ցանկություն և կարողություն: Գեղագիտական դաստիարակության հիմքում ընկած է հուզա-զգացմունքային ոլորտի զարգացումը, որն առավել բուռն ընդհանում է վաղ և նախադպրոցական տարիքում: Գեղագիտական դաստիարակությունը նպաստում է նախադպրոցականի հուզական ոլորտի զարգացմանը և զգայական փորձի

### 9

հարստացմանը, ակտիվացնում է նրա իմացական գործունեությունը և դրդում նրա ստեղծագործության, բացահայտում է երեխայի ընդունակությունները և ձևավորում անձնային կարևոր հատկություններ:

Գեղարվեստական գրականությունը անփոխարինելի է նախադպրոցականի գեղագիտական գիտակցության զարգացման գործում: Հատկապես հզոր է ժողովրդական բանահյուսության (հեքիաթների, շուտասելուկների, սուտասելուկների, հանելուկների) ներգործությունը: Հեքիաթներում պատկերված մարդկության բարոյական

արժեքները յուրացվում են երեխանների կողմից բնական եղանակներով և միտում ունեն փոխանցվելու իրական կյանք:

### Մտավոր դաստիարակություն

«Քաղաքակրթության գլխավոր խնդիրը մարդուն մտածել

սովորեցնելն է» (Թ. Էդիսոն):

Մտավոր դաստիարակության համակարգում առաջին պլան են մղվում գիտելիքների կիրառման, մտավոր գործունեության և ճանաչողական ակտիվության ընդունակությունները: Ինչպես նշում է նախադպրոցականի մտավոր զարգացման խնդիրներով զբաղվող առաջատար մասնագետ Ն. Ն. Պոդյակովը, այսօր չափազանց կարևոր է երեխաներին սովորեցնել մտածել, հուշելով նրանց իմացության բանալին, օգնել ինքնուրույն որոնել և որոշումներ կայացնել քանի որ նախադպրոցական մանկությունը մտավոր զարգացման և դաստիարակության ամենանպաստավոր շրջանն է:

Կ. Դ. Ուշինսկին նշում էր որ «մտավոր աշխատանքը ամենաձանր աշխատանքն է մարդու համար», հետևաբար անհրաժեշտ է ձևավորել երեխայի «մտավոր գործունեությունը « զգուշորեն և աստիճանաբար»:

### Ընտանիքի դերը երեխայի զարգացման հարցում

Երեխայի լիարժեք զարգացման, նրա անձնավորության ձևավորման գործընթացների արդյունավետությունը պայմանավորված է սոցիալական բոլոր ինստիտուտների մանկավարժական ներգործության փոխազդեցությամբ: Նախադպրոցական տարիքի երեխաների ներդաշնակ զարգացման գործընթացում առանձնահատուկ կարևորվում է ընտանիքի, նախադպրոցական կրթական հաստատության և դպրոցի հաշորդական և փոխպայմանավորված մանկավարժական

ներգործությունը: Մանկավարժական աշխատանքների հաջորդականությունն իրականացվում է կրթության բովանդակության փոխանցման և յուրացման աստիճանականության և դաստիարակության գործընթացում երեխային ներկայացվող պահանջների միասնականության ճանապարհով:

Երեխայի դաստիարակությունը սկսվում է ընտանիքում: Ընտանիքն է սոցիալականացման առաջին օղակը ուր սկիզբ է առնում երեխայի սոցիալական էությունը: Ընտանիքում է յուրացվում առաջին սոցիալական դերերն ու հարաբերությունները բացահայտվում են երեխայի անհատական առանձնահատկություններն ու ձևավորվում բնավորության գծերը դաստիարակվում են բարոյական հատկություններ և սոցիալական վարքագծի հիմքեր: Ընտանիքը այն կայուն սոցիալական օղակն է, որն ուղղեկցում և առաջնորդում է երեխային իր ողջ կյանքում: Ժամանակակից մանկավարժությունն ընդգծում է ընտանիքի և ընտանեկան դաստիարակության գերակայող դերերը դաստիարակության և նրա անձնավորության ձևավորման գործում:

Մանկապարտեզը և այլ նախադպրոցական կրթական հաստատությունները կոչված են իրականացնելու նախադպրոցական տարիքի երեխաների հասրակական դաստիարակությունը: Նախադպրոցական կրթօջախների հիմանկան մանկավարժական գորառույթը երեխայի դաստիարակության կազմակերպումն է հասակակիցների միջավայրում, նախադպրոցահասակ երեխաների հասրակական կյանքի համար անհրաժեշտ պայմանների

ապահովումը: Մանկապարտեզում է երխան սկսում հաղորդակցվել և համագործակցել, որոշումներ կայացնել, համադրելով սեփական ցանկություններն ու կարծիքը ընկերների ցանկությունների կարծիքի հետ:

**Ընտանիքի և մանկապարտեզի համագործակցության ձևերը**

Ընտանեկան դաստիարակության դժվարությունների հաղթահարմանը նպաստում է ընտանիքի սերտ համագործակցությունը նախադպրոցական կրթական հաստատությունների հետ: Ընտանիքի և մանկապարտեզի համագործակցության հիմքում ընկած է երկու սկզբունք

- նախադպրոցական կրթական հաստատության ներքին ներգործությունների հանդեպ բաց լինելու
- նախադպրոցական կրթական հաստատության արտաքին ներգործությունների հանդեպ բաց լինելու:

Առաջին սկզբունքը ենթադրում է ծնողների և ընտանիքի մյուս անդամների ակտիվ ներգրավում մանկապարտեզի մանկավարժական գործընթացին: Ծնողների մանկապարտեզի մանկավարժական աշխատանքներին ակտիվ մասնակցությունից շահում են մանկապարտեզի մանկավարժական գործընթացի բոլոր սուբյեկտները: Մանկավարժական գործընթացի բոլոր մասնակիցների ակտիվ դիրքորոշումը նպաստում է երեխաների դաստիարակությանը համակցված, փոխադասմանավորված և փոխադասասխանատու գործողությունների միջոցով: Մանկապարտեզի և ընտանիքի համագործակցությունը օգնում է երկուստեք ճանաչելու հաշվի առնելու երեխայի դաստիարակության իրական պայմանները՝ այն արդյունավետ կազմակերպելու նպատակով: Ծնողների ներկայությունը մանկապարտեզում վստահություն է ներշնչում երեխային և կրկնապատկում նրա սովորելու և աշխարհը ճանաչելու ցանկությունը: Նրանք հաճույքով և գերագույն հարգանքով են

արձանագրում ծնողների մանկապարտեզի աշխատանքների ակտիվ մասնակցության փաստը և հպարտանում են ծնողներով: Ծնողներն իրենց հերթին ձեռք են բերում չափազանց կարևոր մանկավարժական գիտելիքներ և կարողանում են գնահատել մանկավարժի ծանրագույն աշխատանքը: Մանկապարտեզի դեպի ներս բաց լինելու սկզբունքը ենթադրում է մանկապարտեզի մանկավարժական գործընթացին

նպաստող, ներխուժող յուրաքանչյուր ներգործության ընկալում,  
ընդունում և կիրառում:

Համագործակցության երկրորդ սկզբունքը կարևորում է ,մանկապարտեզի  
դեպի դուրս բաց լինելու անհրաժեշտությունը: Մանկապարտեզը  
պատրաստ պետք է լինի համագործակցելու միկրոսոցիումի՝ համայնքի  
բոլոր սոցիալական ինստիտուտների հետ: Պարտադիր է  
մանկապարտեզի համագործակցությունը տարածքի դպրոցների,  
երաժշտական և սպորտային դպրոցներ, մանկական ակումբների  
հետ: Ցանկալի է և չափազանց արդյունավետ մանկապարտեզի  
փոխադարց կապը մշակութային հաստատությունների հետ  
(*գրադարաններ թատրոններ, թանգարաններ*): Կենսական  
անհրաժեշտություն է և ժամանակի պահանջ մանկապարտեզի  
համայնքի վարչական միավորների հետ փոխադարց կապի  
հաստատումը:

Աճող սերնդի դաստիարակության և կրթության հաջողությունները  
պայմանավորված են բոլոր սոցիալական ինստիտուտների միջև  
հաստատվող փոխվստահելի և փոխպատասխան  
համագործակցությամբ:

Համագործակցության կազմակերպման և համակարգման բարդ  
գործառույթը պատկանում է մանկապարտեզի մանկավարժական  
անձնակազմին՝ տնօրենի գլխավորությամբ: Մանկապարտեզի և  
ընտանիքի փոխադարձ կապի ձևերը պարբերաբար վերանայվում և  
լրամշակվում են: Համագործակցության ավանդական դարձած ձևերին  
ավելանում են ժամանակակից եղանակները, որոնք բխում են  
հասարակության նախադպրոցական կրթությանը ներկայացվող

այսօրվա պահանջներից: Ամենաավանդական ձևը մանկավարժի  
պարբերական այցելություններն են երեխաների ընտանանիքներ:  
Մանկավարժի հաճախակի այցելությունը հնարավորություն է տալիս  
ուսուումնասիլելու երեխային տան պայմաններում, ծանոթանալու  
ընտանիքի բոլոր անդամներին և կենսական պայմաններին: Ավանդական  
ձևերից են ծնողական ժողովները, բաց դռների օրերը,

կոնսուլտացիաները և հատուկ կազմակերպվող գիտական կոնֆերանսները ծնողներին հուզող թեմաների շուրջ: Փոխադարձ կապի նշված ձևերը առաջին հերթին նպաստում են մանկավարժական գիտելքների փոխանցմանը և տարածմանը ծնողական միջավայրում, նրանց մանկավարժական մշակույթի բարձրացմանը:

Երիտասարդ ծնողների հետ կազմակերպվում են նաև սեմինար-պրակտիկաներ: Բավական արդյունավետ են համատեղ միջոցառումները, որոնք կարող են տարբեր նպատկների ծառայել: Օրինակ՝ տիկնիկային ներկայացման համատեղ դիտումն ու քննարկումը ճանաչողական բնույթի է և հիմնականում նպաստում է միացյալ ուժերով ներկայացման բովանդակության վերլուծությանը: Համատեղ տոնակատարություններն ուղղված են երեխայի հուզական և սոցիալական փորձի հարստացմանը: Բանակի տոնին նվիրված հայրիկների հետ համատեղ միջոցառումը նպաստում է հայրիկների ակտիվ մասնակցությանը մանկապարտեզի աշխատանքներին: Իսկ ծննդյան տոնակատարություններն ունեն հիմնականում մերձեցման նպատակ: Նախադպրոցական մանկավարժությունն առաջարկում է նաև համագործակցության ժամանակակից եղանակներ:

Այսօր չափազանց կարևորվում է մանկապարտեզում ծնողական անկյան ստեղծումը, որը նախատեսվում է որպես ծնողների՝ մանկավարժի և միմյանց հետ հանդիպման վայր: Համագործակցության հետաքրքիր եղանակ է ինտելեկտուալ խաղը, որին մասնակցում են ծնողները: Նրանք կարող են հանդես գալ հուշողների խմբի, ժուրիի կամ մասնակիցների դերում: Համագործակցության արդյունավետ ձև է ծնողների հետ համատեղ կազմակերպվող սպորտային կամ էկոլոգիական միջոցառումները և խաղերը: 14

### **Համագործակցությունը ընտանիքի հետ**

Երեխայի կրթադաստիարակչական գործում առաջնային դերն ունի ընտանիքը: Դրական համագործակցությունը երեխայի շուրջ ստեղծում է մի միջավայր, որտեղ ընտանիքները, ուսումնական հաստատությունը և համայնքը համատեղ աշխատում են երեխաների կրթությանն ու

դաստիարակությանն ուղղված ընդհանուր նպատակներին հասնելու համար: Մանկապարտեզների և ընտանիքների միջև դրական հաղորդակցությունն արդյունավետ ուսումնական մթնոլորտ է ստեղծում երեխաների համար:

Երեխայի ընտանիքի անդամները նրա առաջին ուսուցիչներն են: Մինչև նախադպրոցական ծառայություն հաճախելը երեխաները շատ բան են սովորում ընտանիքում՝ սկսած բաժակով խմելուց մինչև ընթերցանություն: Ընտանիքի անդամներն են երեխաների համար կենսականորեն կարևոր որոշումներ ընդունում, շրջապատում նրանց սիրով, կրթում և դաստիարակում: Նրանք շատ լավ են ճանչում իրենց երեխաներին և գործուն դեր ունեն նրանց դաստիարակության գործընթացում: Երեխաներն իրենց վրա կրում են ընտանիքի ազդեցությունը ուստի դաստիարակները պետք է լրջորեն հաշվի առնեն այդ փաստը և երեխաների հետ աշխատելիս ամրապնդեն կապն ընտանիքների հետ՝ նկատի ունենալով դրանց առանձնահատկություններն ու տարբերությունները:

Ընտանիքի անդամներին ընձեռվում են ուսումնական հաստատությունում իրենց երեխայի կրթադաստիարակչական աշխատանքներին մասնակցելու տարբեր հնարավորություններ: Նրանք կրթական հաստատության ցանկալի հյուրերն են , և շատ խրախուսելի է նրանց գիտելիքների և փորձի կիրառումը տարբեր ուսումնական և կազմակերպչական նպատակներով:

Ծնողների տրամադրվածությունն ապահովելը սկսվում է մանկավարժական կազմի հետ առաջին իսկ հանդիպումից: Հարգալից վերաբերմունքն աշխատանքի սկզբունքների ընթացակարգի,

նպատակների և գործողությունների վերաբերյալ քննարկումները մեծապես նպաստում են ընտանիքների ներգրավմանը երեխաների ուսումնադաստիարակչական գործընթացում:

Հարկ է բացատրել հենց սկզբից, որ նրանց մասնակցությունը պարապունքներին շատ օգտակար է թե՛ դաստիարակների թե՛



երեխաների համար: Ընտանիքի անդամների նպատակային ներգրավումը պահանջում է ժամանակ, պլանավորում և պատկերացում ընտանիքի անդամների հետաքրքրությունների ու հնարավորությունների մասին: Ծնողներին անհրաժեշտ է նախապես ծանոթացնել կատրվելիք աշխատանքներին, իմանալ նրանց նախասիրությունները, մասնագիտական հնարավորություններն, աշխատանքային ծանրաբեռնվածությունը և այլն:

Անհատականացված ուսուցում ապահովելու համար մանկավարժը պետք է մշտական կապի մեջ լինի երեխայի ընտանիքի հետ: Նրա պարտականությունն է ընտանիքի հետ ամուր կապեր հաստատել ու պահպանել: Ծնողական ժողովների և ընտանքի անդամների հետ այլ հանդիպումների ընթացքում դաստիարակն անպայաման պետք է անդրադառնա երեխայի համակողմանի զարգացման կարևորությանը և առանձին ներկայացնի զարգացման յուրաքանչյուր ոլորտն ըստ տվյալ տարիքի երեխաների զարգացման չափորաշիջներին: Երեխայի զարգացման առաջնընթացի ու կարքիների վերաբերյալ քննարկումներն ու տեղեկությունների փոխանակումը օգտակար են և՛ ընտանքի անդամների, և՛ դաստիարակների համար:

Որքան ավելի սերտ և արդյունավետ լինի ուսումնական հաստատություն-ընտանիք կապը, այնքան ավելի մեծ աջակցություն կստանան երեխաները՝ ուսումնառության և դաստիարակության ընթացքն ավելի դրական և արդյունավետ կազմակերպելու առումով:

Ընտանիքի հետ համագործակցության ձևեր

- Այցելություններ տուն
- Երեխային հաստատություն բերլու և տուն տանելու ընկած ժամանակը

- Հեռախոսային զանգեր
- Ծնողական և մանկավարձական ժողովներ
- Առաջարկությունների տուփեր

Հետազոտական աշխատանքի թեմայի նպատակներից էլնելով՝ կազմակերպել եմ ծնողական հանդիպում մանկապարտեզում և մեկ տնայց:

Հրավիրվել է 05.12.2023թ. ծնողական հանդիպում, հրավերը տրվել է ծնողներին առցանց խմբում :

Նպատակը՝ 1 Ծնողներին ծանոթացնել 2023-2024թթ. առաջին եռամսյակում երեխաների կատարած կրթաուսումնադաստիարակչական աշխատանքներին  
2Քննարկելու ծնողներին հուզող մի շարք հարցեր  
3 Գործնական առաջադրանքների միջոցով ամրապնդել ծնողի և մանկապարտեզի միջև կապը:

Ծնողական հանդիպմանը կիրառվեցին տարբեր հետքրքիր մեթոդներ՝ սառույց կոտրող վարժություն և կծիկի մեթոդ:  
Հանդիպումը անցավ հետաքրքիր և ջերմ մթնոլորտում ծնողները հասնդես եկան յուրատիպ առաջարկներով որոնք հաշվի կառնվեն հետագա աշխատանքերում:

Կազմակերպվել է տնայց սան Մ. Տ.-ի տուն:  
Մ. Տ.-ն ծնողագուրկ է(հայրը մահացել է ավտովթարից):  
Ապրում է մայրիկի,տատիկի,ու պապիկի հետ:  
Նպատակն էր՝ ծանոթանալ ընտանեկան միջավայրին , ընտանիքում դիտել երեխայի վարքը, խոսքը հարաբերությունները ընտանքի անդամների հետ: Քանի որ 5 օր երեխան չէր հաճախել մանկապարտեզ, այցի նպատակը նաև՝ տեսակցությունն էր:

### **Տնօրենի կարծիք**

Ծնողական հանդիպումը անցավ ջերմ ու հարազատ մթնոլորտում:

Ծնողները ծանոթացան իրենց երեխաների աշխատանքներին:  
Բավականին ոգևորիչ էին դաստիարակի կողմից կիրառված մեթոդները  
(ծառ նկարել, սարդոստայն):  
Ծնողները հանդես եկան իրենց առաջարկներով: Դաստիարակների հետ  
մշակեցին հաջորդ եռամսյակում նախատեսվող աշխատանքները:

### **Մեթոդիստի կարծիք**

Ծնողական հանդիպումը ծառայեց իր նպատակին: Ծնողները  
ծանոթացան ուս. տարվա առաջին եռամսյակում կատարված բոլոր  
ուսումնական բաղադրիչներով կազմված աշխատանքների հետ, խաղերի  
ժամանակ ակտիվ փոխհամագործակցեցին միմյանց և մանկավարժական  
աշխատողների հետ՝ ընդլայնելով պատկերացումները մանկապարտեզի  
ուսումնադաստիարակչական գործունեության մասին:  
Ծնողական հանդիպման միջավայրը համապատասխան էր և հազեցած:

#### **Գրականության ցանկ**

1. Ս.Ա. Մարության Ա.Մ. Դալլաքյան «Նախադպրոցական  
մանկավարժություն»
2. Ժ. Ջոնս, Ս. Իգնելզի, «Դպրոցի և ընտանիքի համագործակցությունը»:

Դասընթաց բուհերի վաղ մանկական տարիքի երեխաների կրթության  
մասնագետների համար, ՄՌՄԿ. Վաշինգտոն 1997: